

**UGOVOR**  
**o izvođenju poslova deviperacije (tretman protiv zmija) na području Kantona Sarajevo u 2017. godini**

Ugovor je zaključen dana, 07.06.2017. god. između:

**1.STRUČNA SLUŽBA ZA ZAJEDNIČKE POSLOVE KANTONA SARAJEVO**, sa sjedištem u ulici Reisa Džemaludina Čauševića broj 1, Sarajevo ID 4200667410006 koju zastupa načelnik Fikret Jašarević (u daljem tekstu naručilac)

**2.,„DERATIZER“ Društvo za sanitarnu, ekološku i preventivnu zaštitu d.o.o.** Sarajevo, sa sjedištem u ulici Ćemaluša br. 6, Sarajevo ID 4200149200006 koga zastupa direktor Tunović Hasan (u daljem tekstu izvršilac), zaključuju:

Član 1.

Predmet ovog ugovora su usluge deviperacije (tretman protiv zmija) za potrebe Kantona Sarajevo za koju je proveden postupak nabavke po pozivu za dostavu ponude putem direktnog sporazuma, a izvršilac dostavio ponudu broj: 356/17. od 06.06.2017. godine, koja odgovara uslovima za pružanje navedene specifične usluge na osnovu čega je izvršilac izabran da izvrši usluge koje su predmet ovog ugovora.

Član 2.

Ugovorna cijena iz člana 1. ovog ugovora iznosi ukupno: 6.000,00 KM (slovima: šest hiljada i 00/100 KM), bez uračunatog PDV-a.

Član 3.

Osnov za plaćanje usluga je faktura, koju izvršilac usluga dostavlja naručiocu na realizaciju uz radni nalog koji je ovjeren od strane ovlaštenih lica Zavoda za javno zdravstvo Kantona Sarajevo, te kao takav predstavlja potvrdu da je usluga obavljena.

Član 4.

Ugovorne strane su saglasne da se usluga deviperacije (tretman protiv zmija) izvede u periodu od 07.06.2017.godine, pa do okončanja ugovorenih poslova iz člana 1. ovog ugovora.

Član 5.

Izvršilac usluga se obavezuje da usluge iz člana 1. ovog ugovora izvršava po osnovu prijave građana o najezdi zmija, koje će zaprimati Zavod za javno zdravstvo Kantona Sarajevo, te iste prosljediti putem mail-a pružaocu usluga, u skladu sa prihvaćenom ponudom.

Član 6.

Izvršilac usluga se obavezuje da će stručno, kvalitetno i u roku izvršiti sve predviđene poslove deviperacije (tretman protiv zmija) i da će obezbjediti potrebne količine preparata za deviperaciju, opremu i obučene stručne kadrove. Izvršilac usluga mora posjedovati "sigurnosne liste" za preparate koji se koriste za deviperaciju, te garantovati za ispravnost istih.

Član 7.

Eventualne sporove ugovorne strane će rješavati sporazumno, a ako u tome ne uspiju, ugovaraju nadležnost suda u Sarajevu.

Član 8.

Ugovor se primjenjuje danom potpisivanja od obje ugovorene strane, a sastavljen je u četiri (4) istovjetna primjerka od kojih svaka strana zadržava po (2) primjerka.

ZA NARUČIOCA:

Stručna služba za zajedničke poslove  
Kantona Sarajevo

Fikret Jašarević, načelnik

Dj.broj: 17-14-20594-05/17  
Sarajevo, 07.06.2017.godine

ZA IZVRŠIOCA:

"Deratizer" d.o.o. Sarajevo

Hasan Tunović

Za Hasan Tunović, direktor

Dj.broj: 360/17  
Sarajevo, 07.06.2017.godine